

9/22-го марта 2020-го года

**Неделя 3-я Великого Поста, Крестопоклонная, глас 7-й
40 мучеников Севастийских**

**Чин Вечерни.
Для домашнего (келейного) чтения**

Час Девятый.

Молитвами святых отец наших, Господи Иисусе Христе, Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

**Святый Боже, Святый Крепкий, Святый Безсмертный, помилуй нас.
(Трижды.)**

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй, (трижды).

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй, (12)

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 83:

Коль возлюбленна селения Твоя, Господи сил! Желает и скончается душа моя во дворы Господни, сердце мое и плоть моя возрадовастся о Боже живе. Ибо птица обрете себе храмину, и горлица гнездо себе, идеже положит птенцы своя, олтари Твоя, Господи сил, Царю мой и Боже мой. Блажени живущии в дому Твоем, в веки веков восхвалят Тя. Блажен муж, емуже есть заступление его у Тебе; восхождения в сердце своем положи, во юдоль плачевную, в место еже положи, ибо благословение даст законополагаяй. Пойдут от силы в силу: явится Бог богов в Сионе. Господи Боже сил, услыши молитву мою, внуши, Боже Иаковль. Защитниче наш, виждь, Боже, и призри на лице христа Твоего. Яко лучше день един во дворах Твоих паче тысяч: изволих приметатися в дому Бога моего паче, неже жити ми в селениях грешничих. Яко милость и истину любит Господь, Бог благодать и славу даст, Господь не лишит благих ходящих незлобием. Господи Боже сил, Блажен человек уповаяй на Тя.

Псалом 84:

Благоволил еси, Господи, землю Твою, возвратил еси плен Иаковль: оставил еси беззакония людей Твоих, покрыл еси вся грехи их. Укротил еси весь гнев Твой, возвратился еси от гнева ярости Твоея. Возврати нас, Боже спасений наших, и отврати ярость Твою от нас. Еда во веки прогневаешия на ны? Или простреси гнев Твой от рода в род? Боже, Ты обращайся оживиши ны, и людие Твой возвеселятся о Тебе. Яви нам, Господи, милость Твою, и спасение Твое даждь нам. Услышу, что речет о мне Господь Бог: яко речет мир на люди Своя, и на преподобныя Своя, и на обращающыя сердца к Нему. Обаче близ боящихся Его спасение Его, вселити славу в землю нашу. Милость и истина сретостеся, правда и мир облобызастеся. Истина от земли возсия, и правда с Небес приниче, ибо Господь даст благость, и земля наша даст плод свой. Правда пред Ним предидет, и положит в путь стопы своя.

Псалом 85:

Приклоні, Гóсподи, ўхо Твое, и услыши мя, яко нищ и убóг есмь аз. Сохрани́ дúшу мою, яко преподóбен есмь: спаси́ раба́ Твоего́, Бóже мой, упова́ющаго на Тя. Помилуй мя, Гóсподи, яко к Тебé воззову́ весь день. Возвесели́ дúшу раба́ Твоего́, яко к Тебé взях дúшу мою. Яко Ты, Гóсподи, Благ и Крóток, и Многомíлостив всем призыва́ющим Тя. Внуши́, Гóсподи, моли́тву мою, и вонми́ гласу моления моего́. В день скóрби моея́ воззвах к Тебé, яко услышал мя еси́. Несть подóбен Тебé в бозéх, Гóсподи, и несть по делóм Твоим. Все язы́цы, ели́ки сотвори́л еси́, прийдут и поклóнятся пред Тобóю, Гóсподи, и просла́вят имя Твое, яко Вéлий еси́ Ты, и твори́й чудеса́, Ты еси́ Бог еди́н. Настави мя, Гóсподи, на путь Твой, и пойду́ во и́стине Твоей; да возвеселится́ сёрдце моё́ боя́тися и́мене Твоего́. Испове́мся Тебé, Гóсподи Бóже мой, всем сёрдцем моим, и просла́влю имя Твое́ в век: яко мíлость Твоя́ вéлия на мне, и избáвил еси́ дúшу мою́ от áда преиспóднейшаго. Бóже, законопресту́пницы воста́ша на мя, и сонм держа́вных взыска́ша дúшу мою́, и не предложи́ша Тебé пред собо́ю. И Ты, Гóсподи Бóже мой, Ще́дрый и Мíлостивый, Долготерпели́вый, и Многомíлостивый и и́стинный, при́зри на мя и помилуй мя, даждь держа́ву Твою́ óт року Твоему́, и спаси́ сы́на рабы́ Твоея́. Сотвори́ со мно́ю зна́мение во блага́, и да ви́дят ненави́дящие мя, и посты́дятся, яко Ты, Гóсподи, помо́гл ми и утёшил мя еси́.

Сотвори́ со мно́ю зна́мение во блага́, и да ви́дят ненави́дящие мя, и посты́дятся, яко Ты, Гóсподи, помо́гл ми и утёшил мя еси́.

Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. Амíнь.

Аллилу́иа, аллилу́иа, аллилу́иа, сла́ва Тебé Бóже. *Трижды.*

Гóсподи, помилуй, *трижды.*

Тропарь Воскресный, глас 7:

Разруши́л еси́ Крестóм Твоим смерть, / отвёрзл еси́ разбóйнику рай; / миронóсицам плач преложи́л еси́ / и Апóстолом проповéдати повелéл еси́, / яко воскресл еси́, Христé Бóже, / да́руяй мíрови // вéлию мíлость.

Сла́ва Отцу́ и Сы́ну и Свято́му Ду́ху.

Тропарь Мучеников, глас 1:

Болéзными святы́х, и́миже о Тебé пострада́ша, / умолён бу́ди, Гóсподи, / и вся на́ша болéзни исцели́, // Человеколю́бче, мо́лимся.

И ныне и присно и во веки веков. **А**минь.

Богородичен:

Иже нас ради рождѣйся от Дѣвы / и распятие претерпѣв, Благій, / испровергий смѣртию смерть и воскресѣние явлѣй яко Бог, / не презри, яже создѣл еси рукою Твоею. / Яви человеколѣбие Твое, Милостиве. / Приими рѣждшую Тя Богородицу, молящуюся за ны. / И спаси, Спасе наш, люди отчаянныя.

Не предаждь нас до конца Имене Твоего ради, / и не разори завета Твоего, / и не остави милости Твоея от нас / Авраама ради, возлюбленнаго от Тебѣ, / и за Исаака, раба Твоего, / и Израиля, святаго Твоего.

Святѣй Бѣже, Святѣй Крѣпкий, Святѣй Безсмѣртный, помилуй нас. *(Трижды.)*

Слава Отцу и Сыну и Святому Духу, и ныне и присно и во веки веков. **А**минь.

Пресвятая Троице, помилуй нас; Господи, очисти грехи наша; Владыко, прости беззакония наша; Святѣй, посети и исцели немощи наша, имене Твоего ради.

Господи, помилуй, *(трижды)*.

Слава Отцу и Сыну и Святому Духу, и ныне и присно и во веки веков. **А**минь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Кондак Воскресный, глас 7:

Не ктому пламенное оружье/ хранит врат Едемских;/ на тѣя бо найде преславный союз Древо крестное,/ смѣртное жало, и адова победа прогнася./ Предстал бо еси Спасе мой,/ вопия сущим во аде:// внидите паки в рай.

Господи, помилуй, *(40)*.

Иже на всякое время и на всякий час, на Небеси и на земли, покланяемый и славимый, Христѣ Бѣже, Долготерпеливе, Многомилостиве, Многоблагоутробне, Ижеправедныя любяй и грешныя милуяй, Иже вся зовѣй ко спасѣнию обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти,

помышления исправи, мысли очисти и избави нас от всякия скорби, зол и болезней, оградй нас святыми Твоими Ангелы, да ополчением их соблюдаемы и наставляемы, достигнем в соединение веры и в разум неприступная Твоея славы, яко благословен еси во веки веков, аминь.

Господи помилуй, *трижды*. Слава, и ныне:

Честнейшую Херувим / и славнейшую без сравнения Серафим, / без исления Бога Слова рождшую, / сущую Богородицу, Тя величаем.

Молитвами святых отец наших, Господи, Иисусе Христе, Боже наш, помилуй нас. Аминь.

Молитва Василия Великого:

Владыко Господи, Иисусе Христе, Боже наш, долготерпёвый о наших согрешениях и даже до нынешняго часа приведый нас, воньже, на Животворящем Древе вися, благоразумному разбойнику иже в рай путесотворил еси вход и смертью смерть разрушил еси: очисти нас, грешных и недостойных раб Твоих, согрешихом бо и беззаконновахом и несмы достойни возвестить очеса наша и возрети на высоту Небесную, зане оставихом путь правды Твоея и ходихом в волях сердец наших. Но молим Твою безмерную благодать: пощадй нас, Господи, по множеству милости Твоея, и спаси нас Имене Твоего ради святого, яко исчезоша в суете дние наши, изми нас из руки сопротивнаго, и остави нам грехи наша, и умертви плотское наше мудрование, да, ветхаго отложивше человека, в новаго облекусь и Тебе поживем, нашему Владыце и Благодетелю. И тако, Твоим последующе повелением, в вечный покой достигнем, идеже есть всех веселящихся жилище. Ты бо еси воистинну истинное веселие и радость любящих Тя, Христе Боже наш, и Тебе славу возсылаем со Безначальным Твоим Отцем, и Пресвятым, и Благим, и Животворящим Твоим Духом, ныне, и присно, и во веки веков, аминь.

Вечерня.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103:

Благослови, душе моя, Господа. Господи, Боже мой, возвеличился еси зело. Во исповедание и в велелепоту облелся еси. Одейся светом,

яко ризою, простираяй небо, яко кожу. Покрываая водами превыспренняя Своя, полагаая облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тих птицы небесныя привитают, от среды камня дадут глас. Напаяяй горы от превыспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокие еленем, камень прибежище зайцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и собрasha и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благодати, отвращшу же Тебе лице, возьмутся, отымеши дух их, и исчезнут, и в персть свою возвратятся. Послеши Духа Твоего, и созиждутся, и обновивши лице земли. Буди слава Господня во веки, возвеселится Господь о делех Своих, призираая на землю, и творяя ю трястися, прикасааяся горам, и дымятся. Воспою Господеву в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *Трижды.*

Псалом 1:

Блажен муж, иже не иде на совет нечестивых. Аллилуиа, трижды. И на пути грешных не ста, и на сядалищи губителей не седе, но в законе Господни воля его, и в законе Его поучится день и ночь. И будет яко древо насажденное при исходящих вод, еже плод свой даст во время свое, и лист его не отпадет, и вся, елика аще творит, успеет. Не тако нечестивии, не тако, но яко прах, егоже возметает ветр от лица земли. Сего ради не воскреснут нечестивии на суд, ниже грешницы в совет праведных. Яко весть Господь путь праведных, и путь нечестивых погибнет.

Псалом 2:

Вскую шаташася языцы, и людие поучишася тщетным? Предсташа царие земстии, и князи собрашася вкупе на Господа и на Христа Его. Расторгнем узы их и отвержем от нас иго их. Живый на Небесех посмеется им, и Господь поругается им. Тогда возглаголет к ним гневом своим и яростию Своею смятет я. Аз же поставлен есмь Царь от Него над Сионом, горю святою Его, возвещая повеление Господне. Господь рече ко Мне: Сын Мой еси Ты, Аз днесь родих Тя. Проси от Мене, и дам Ти языки достояние Твое, и одержание Твое концы земли. Упасеши я жезлом железным, яко сосуды скудельничи сокрушиши я. И ныне, царие, разумейте, накажитесь вси судящие земли. Работайте Господеву со страхом и радуйтесь Ему с трепетом. Аллилуиа, трижды. Примите наказание, да не когда прогневается Господь и погибнете от пути праведнаго, егда возгорится вскоре ярость Его. Блажени вси надеющиеся Нань.

Псалом 3:

Господи, что ся умножиша стужающие ми? Мнози востают на мя, мнози глаголют души моей: несть спасения ему в Бозе его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спаш, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой. Аллилуиа, трижды. Яко Ты порази еси вся враждующыя ми все: зубы грешников сокрушил еси. Господне есть спасение, и на людех Твоих благословение Твое.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды).*

Господи, воззвах, глас 7

Господи, воззвах к Тебѣ, услыши мя. / Услыши мя, Господи. Господи, воззвах к Тебѣ, услыши мя: / вонми гласу молѣния моего, / внигда воззвати ми к Тебѣ. / Услыши мя, Господи.

Да исправится молитва моя, / яко кадило пред Тобою, / воздеяние руку мою / – жертва вечерняя. / Услыши мя, Господи.

Дальше читают:

Положи, Господи, хранение устам моим, и дверь ограждения о устнах моих. Не уклони сердце мое в словеса лукавствия, не щевати вини о гресех, с человеки делующими беззаконие, и не сочтуса со избранными их. Накажет мя праведник милостию и обличит мя, елей же грешнаго да не намастит главы моея, яко еще и молитва моя во благоволениях их. Пожертвы быша при камени судий их: услышатся глаголи мои, яко возмогша. Яко толща земли проседеса на земли, расточиса кости их при аде. Яко к Тебѣ, Господи, Господи, очи мои: на Тя уповах, не отыми душу мою. Сохрани мя от сети, юже составиша ми, и от соблазн делующих беззаконие. Падут во мрежу свою грешницы: един есмь аз, дондеже преиду.

Гласом моим ко Господу воззвах, гласом моим ко Господу помолихся. Пролию пред Ним молѣние мое, печаль мою пред Ним возвещу. Внигда исчезати от мене духу моему: и Ты познал еси стези моя: на пути сем, по немуже хождях, скрѣша сеть мне. Смотрях одесную и взглядах, и не бе зная мене: погибе бѣгство от мене, и несть взыскай душу мою. Воззвах к Тебѣ, Господи, рех: Ты еси упование мое, часть моя еси на земли живых. Вонми молѣнию моему, яко смирихся зело, избави мя от гонящих мя, яко укреписа паче мене.

Стихиры воскресные, глас 7

Стих: Изведи из темницы душу мою, // исповедатися имени Твоему.

Приидите, возрадуемся Господеви, / сокрушившему смерти державу, / и просветившему человеческий род, / со безплотными зовуще: // Содетелю и Спасе наш, слава Тебѣ.

Стих: Мене ждут праведницы, // дондеже воздаси мне.

Крест претерпел еси Спасе,/ и погребение нас ради,/ смертию же яко Бог смерть умертвил еси./ Темже поклоняемся тридневному воскресению Твоему:// Господи, слава Тебе.

Стих: Из глубины возвах к Тебе, Господи,// Господи, услыши глас мой.

Апостоли видевше воскресение Содетеля, чудяхуся,/ поюще хвалу Ангельскую:/ сия слава есть церковная,/ сие богатство Царствия:/ пострадавый нас ради, Господи, слава Тебе.

Стихиры Триоди, глас 5,

Стих: Да будут уши Твоя// внимлюще гласу моления моего.

Возсияй Господень Кресте,/ светолучныя молния твоея благодати,/ в сердца чтущих тя,/ и Богоприятною любовью приемлющих, мировожденне,/ имже слезное потребися сетование,/ и смертных сетей избавихомся,/ и к присному веселию приидохом./ Покажи красоты твоея благолепие,/ воздаяние подаждь воздержания рабам твоим,/ верно просящим твое богатное заступление,// и велию милость.

Стих: Аще беззакония назириши, Господи, Господи, кто постоит?// Яко у Тебе очищение есть.

Радуйся живоносный Кресте,/ Церкви красный раю,/ древо нетления, прозябшее нам/ вечныя славы наслаждение:/ имже бесовстии отгоняются полцы,/ и ангельстии свеселятся чинове,/ и совокупления верных празднуют./ Оружие непобедимое,/ утверждение нерушимое, верных победы,/ священников похвало,/ Христовы ныне страсти и нам подаждь достигнути,// и велию милость.

Стих: Имене ради Твоего потерпех Тя, Господи, потерпе душа моя в слово Твое,// упова душа моя на Господа.

Радуйся живоносный Кресте,/ благочестия непобедимая победа,/ дверь райская, верных утверждение,/ Церкви ограждение:/ имже тля разорится и упразднится,/ и попрося смертная держава,/ и вознесохомся от земли к небесным:/ оружие непобедимое, бесов сопротивоборче,/ славо мучеников,/ преподобных яко войстинну удобрение,/ пристанище спасения,// даруй миру велию милость.

Стих: От стражи утренния до нощи, от стражи утренния, // да уповаёт Израиль на Господа.

Гряди первозданная двоице, / лика отпадшая горних, завистию человекоубийцы, / горькою сластью древа, древле вкушением. / Се всечестное воистинну Древо предгрядёт, / к нему же притекше радостию облобызайте, / и возопийте к нему с верою: / ты наше воззвание, Кресте всечестный, / древо Богоблаженное, саде небесный: / егоже плода причастившися, нетление улучихом, / Едема первого приемше известно, // и велию милость.

Стихиры мучеников, глас 2:

Стих: Яко у Господа милость, и многое у Него избавление, // и Той избавит Израиля от всех беззаконий его.

Терпяще настоящая доблественно, / радующеся надеемыми, / друг ко другу глаголаху святии мученицы: / не бо риз совлачимся, / но ветхаго человека отлагаем. / Лютá зимá, но сладок рай, / болезнен лед, но сладко восприятие, / не уклонимся убо, о воини! / Мало претерпим, / да венцы победными увяземся // от Христа Бога и Спаса душ наших.

Стих: Хвалите Господа вси языцы, // похвалите Его вси людие.

Мещуще одеяния вся, / входяще без трепета во езеро, / друг ко другу глаголаху святии мученицы: / за рай, егоже погубихом, / риз тленных днесь не пощадим, / змия ради иногда тлетворнаго облечени бывше, / совлецемся ныне за всех воскресение, / пренебрежем лед растающий и плоть возненавидим, / да венцы победными увяземся // от Христа Бога и Спаса душ наших.

Стих: Яко утвердися милость Его на нас, // и истина Господня пребывает во век.

Видяще яко наслаждение муки, / текуще ко езеру студену, яко к теплоту, / глаголаху святии мученицы: / не устрашимся часа зимнаго, / да страшныя геенны огня убежим; / сожжена буди нога, / да ликовствует вечно, / рука же отъемлема, / да воздётся ко Господу. / И не пощадим естества умирающего, / изволим смерть, да венцы победными увяземся // от Христа Бога и Спаса душ наших.

Стихира Триоди, глас 3:

Слава Отцу и Сыну и Святому Духу.

Христе́ Бо́же наш,/ во́льное распя́тие во о́бщее воскресéние рóда
человéческаго восприéмый,/ и трóстию Крестá, обагрéнием
червлéным Своя́ пёрсты окровавívый,/ оста́вительная нам ца́рски
подписа́ти человеколю́бствоваый,/ не прэ́зри нас бédствующи́х, и
па́ки от Тебé разстоя́ние:/ но ущéдри еди́не долготерпелíве, во
обстоя́нии лю́ди Твоя́, // и воста́ни, побори́ борю́щия ны, я́ко всеси́лен.

Догма́тик, глас 7:

И ны́не и прíсно и во ве́ки веко́в. Ами́нь.

Ма́ти у́бо позна́лася еси́,/ па́че естества́, Богоро́дице,/ пребыла́ же еси́
Де́ва,/ па́че сло́ва и ра́зума:/ и чудесе́ Рожде́ства Твоего́ сказа́ти язы́к
не мо́жет./ Пресла́вну бо су́щу зача́тию Чы́стая,/ непости́жен есть
о́браз рожде́ния:/ иде́же бо хо́щет Бог, побежда́ется естества́ чин./
Тéмже Ты вси, Ма́терь Бо́жью ве́дуще,/ мо́лим Ти ся приле́жно, // моли́
спасти́ся душа́м на́шим.

Творение Софрония, патриарха Иерусалимского:

Свете ти́хий святы́я сла́вы, / Безсме́ртнаго, Отца́ Небе́снаго, / Свята́го
Блаже́ннаго, Иису́се Христе́. / Прише́дше на за́пад со́лнца, / ви́девше
свет вече́рний, / поём Отца́, Сы́на и Свята́го Ду́ха, Бо́га. / Досто́ин еси́
во вся времена́ / пёт бы́ти гла́сы преподо́бными, / Сы́не Бо́жий, живо́т
дай, / те́мже мир Ты сла́вит.

Прокíмен воскрéсный:

Прокíмен, глас 6-й: Господь воцарíся, в ле́поту облечéся.

Стих 1. Облечéся Господь в си́лу, и препоя́сая.

Господь воцарíся, в ле́поту облечéся.

Стих 2. И́бо утверди́ вселénную, я́же не подви́жится.

Господь воцарíся, в ле́поту облечéся.

Стих 3. Дóму Твоему́ подобáет святы́ня, Го́споди, в долготу́ дней.

Господь воцарíся, в ле́поту облечéся.

Господь воцарíся.

В ле́поту облечéся.

Паремíи мучеников:

Проро́чества Иса́иина чтéние. (Из главы 43:)

Та́ко глаго́лет Господь: вси язы́цы собра́шася вку́пе, и соберу́тся кня́зи
от них. Кто возвестíт сия́ в них? Или́, я́же от нача́ла, кто слы́шана
сотвори́т вам? Да приве́дут свидéтели своя́, и оправда́тся, и да

услышат, и да рекут истину. Будьте Ми свидетели, и Аз Свидетель, глаголет Господь Бог, и отрок егоже избрах. Да познаете, и веруете Ми, и разумеете, яко Аз есмь, прежде Мене не бысть ин бог, и по Мне не будет. Аз есмь Бог, и несть разве Мене спасаая. Аз возвестих и спасох, уничижих и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляя. Сотворю, и кто отвратит то? Сиче глаголет Господь Бог, избавляя вас Святыи Израилев.

Премудрости Соломоновы чтение. (Из главы 3:)

Праведных души в руке Божией, и не прикоснется их мука. Непщевани быша во очесех безумных умерети, и вменися озлобление исход их. И еже от нас шествие сокрушение, они же суть в мире. Ибо пред лицом человеческим, аще и муку примут, упование их безсмертия исполнено. И в мале наказани бывше, великими благодетельствовани будут, яко Бог искуси я и обрете их достойны Себе. Яко злато в горниле искуси их и, яко всеплодие жертвенное, прият я. И во время посещения их возсияют и, яко искры по стеблию, потекут. Судят языком и обладают людми, и воцарится Господь в них во веки. Надееущиися Нань разумют истину, и вернии в любви пребудут Ему; яко благодать и милость в преподобных Его и посещение во избранных Его.

Премудрости Соломоновы чтение. (Из глав 5, 6:)

Праведницы во веки живут, и в Господе мзда их, попечение их у Вышняго. Сего ради примут Царствие благолепия, и венец доброты от руки Господни, зане десницею покрывает я и мышцею защитит их. Примет всеоружие рвение Свое, и вооружит тварь в месть врагом. Облечется в броня правды, и возложит шлем, суд нелицемерен. Примет щит непобедимый преподобие, поострит же напрасный гнев во оружие, спобрет же с ним мир на безумныя. Пойдут праволучныя стрелы молниины и, яко от благокругла лука облаков, на намерение полетят. И от каменометныя ярости исполнь падут грады, вознегодует на них вода морская, реки же потопят я нагло. Спротив станет им дух силы и, яко вихор, развеет их, и опустошит всю землю беззаконие, и злодейство превратит престолы сильных. Слышите убо, царие, и разумейте, навикните судий концев земли. Внушите, держащи множества и гордящиися о народах язык. Яко дана есть от Господа держава вам и сила от Вышняго.

И молитву

Сподоби, Господи, в вечер сей без греха сохранитися нам. /
Благословен еси, Господи Боже отец наших, / и хвально и прославлено
имя Твое во веки, аминь. / Буди, Господи, милость Твоя на нас, якоже
уповахом на Тя. / Благословен еси, Господи, научи мя оправданием
Твоим. / Благословен еси, Владыко, вразуми мя оправданием Твоим. /
Благословен еси, Святыи, просвети мя оправданием Твоими. / Господи,
милость Твоя во век, дел руку Твоею не презри. / Тебе подобает хвала.
Тебе подобает пение, / Тебе слава подобает, Отцу и Сыну и Святому
Духу, / ныне и присно и во веки веков. Аминь.

**Стихиры на стиховне:
Стихиры воскресные, глас 7:**

Воскресл еси из гроба Спасе мира, / и совоздвигл еси человеки с
плотию Твоею: // Господи, слава Тебе.

Стих: **Г**осподь воцарися, / в лепоту облечеса.

Воскресшему из мертвых, и просветившему вся, / приидите
поклонимся: / от ада бо мучительства нас свободил есть, / своим
тридневным Воскресением живот нам даровавый, // и велию милост.

Стих: **И**бо утверди вселенную, / яже не подвижется.

Во ад сошед Христэ, смерть пленил еси, / и тридневен воскрес, нас
совоскресил еси, / славящих Твое всеильное востание, // Господи
Человеколюбче.

Стих: **Д**ому Твоему подобает святыня, / Господи, в долготу дней.

Страшен явился еси Господи, во гробе лежа яко спя, / воскрес же
тридневен яко силен, / Адама совоскресил еси зовуща: / слава
Воскресению Твоему, // Единому Человеколюбче.

Стихира мучеников, глас 6:

Слава Отцу и Сыну и Святому Духу.

В песнопениях восхвалим, вернии, / страстотерпцев четыредесять
мучеников / и к ним сладкопесенно возопийм, глаголюще: /
радуйтесь, страдальцы Христовы, / Исихие, Мелитоне, Ираклие, /
Смарагде и Домне, / Евнике, Уале и Вивиане, / Клавдие и Приске. /
Радуйтесь, Феодуле, Евтихие и Иоанне, / Ксанфие, Илиане, Сисиние, /
Кирие, Аггие, Аетие и Флавие. / Радуйтесь, Акакие, Екдикие,
Лисимахе, / Александре, Илие и Горгоние, / Феобиле, Дометиане, и
Божественный Гаие, и Горгоние. / Радуйтесь, Евтихие и Афанасие, /
Кирилле и Сакердоне, / Николае и Валерие, / Филоктиме, Севериане и
Худие. / Яко имущии дерзновение ко Христу Богу нашему, / мученицы

всечестный,/ Того прилежно молитесь/ спастись верою совершающим
всечестную память вашу.

Стихира Триоди, глас 4:

И ныне и присно и во веки веков. Аминь.

Пособивый Господи краткому Давиду/ победити иноплеменика,/ верным людем нашим споборствуй,/ и оружием Креста низложит враги наша:/ покажи благоутробне на нас древняя милости Твоя,/ и да разумеют воистинну, яко Ты еси Бог:/ и на Тя надеющиеся побеждаем,/ молящиеся обычно Пречистой Твоей Матери,// дароватися нам велицей милости.

Молитва святого Симеона Богоприимца:

Ныне отпускаеши раба Твоего, Владыко, / по глаголу Твоему с миром:
/ яко видеста очи мои спасение Твое, / еже еси уготовал пред лицем
всех людей, / свет во откровение языков, / и славу людей Твоих
Израиля.

Святыи Боже, Святыи Крепкий, Святыи Безсмертный, помилуй нас.
(Трижды.)

Слава Отцу и Сыну и Святому Духу, и ныне и присно и во веки веков.
Аминь.

Пресвятая Троице, помилуй нас; Господи, очисти грехи наша; Владыко,
прости беззакония наша; Святыи, посети и исцели немощи наша,
имене Твоего ради.

Господи, помилуй, *(трижды)*.

Слава Отцу и Сыну и Святому Духу, и ныне и присно и во веки веков.
Аминь.

Отче наш, Иже еси на Небесех, да святится имя Твое, да придет
Царствие Твое, да будет воля Твоя, яко на Небеси и на земли. Хлеб наш
насущный даждь нам днесь; и остави нам долги наша, якоже и мы
оставляем должником нашим; и не введи нас во искушение, но избави
нас от лукаваго.

Тропарь воскресный, глас 7:

Разрушил еси Крестом Твоим смерть,/ отверзл еси разбойнику рай;/
мироносицам плач преложил еси/ и Апостолом проповедати повелел
еси,/ яко воскресл еси, Христе Боже,/ даруяй миру// велию милость.

Слава Отцу и Сыну и Святому Духу.

Тропарь мучеников, глас 1:

Болѣзными святых, иже о Тебе пострадаша, / умолен буди, Господи, / и вся наша болѣзны исцели, // Человеколюбче, молимся.

И ныне и присно и во веки веков. Аминь.

Тропарь Троицы (Креста), глас 1:

Спаси Господи люди Твоя, / и благослови достояние Твое, / победы на сопротивныя даруя, // и Твое сохраняя Крестом Твоим жительство.

Буди Имя Господне благословено от ныне и до века. *Трижды.*

Псалом 33:

Благословлю Господа на всякое время, вину хвалы Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною и вознесем имя Его вкупе. Взысках Господа и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповает на Него. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающии же Господа не лишатся всякаго блага.

Достойно есть яко воистинну блажити Тя, Богородицу, / Присноблаженную и Пренепорочную и Матерь Бога нашего. Честнейшую Херувим / и славнейшую без сравнения Серафим, / без исления Бога Слова рождшую, / сущую Богородицу, Тя величаем.

Слава, и ныне, Господи, помилуй, *трижды.*

Господи Иисусе Христе, Сыне Божий, молитвами Пречистыя Твоея Матере, преподобных и богоносных отец наших и всех святых помилуй и спаси нас, яко Благ и Человеколюбец. Аминь